

陳石閭詩

卷二十六之三十一




陳石閭詩卷二十八

古曲

竟夕長風起機杼昨夜寒文綺經緯成下機已兩
端欲寄錦官城人言蜀道難卷簾獨長望
漫漫遠懷人漸瘦舊夢增新歎明月照空杼對之
雙眉攢

嶧陽孤生桐裁為七絃琴靈根飽霜日遂得天地
音揮手一鳴彈幽憂間苦心悽悽行路難戚戚遊
子吟相思去萬里哀情感易深金璫奏窟室鼉鼓



鳴上林豈不慕雅樂各自有浮沉
陽春佳麗時桃李滿東園丹唇開咲輔弱質遲未
顏黃鳥鳴嚶嚶左右相周旋啣花不忍去但恐易
彫殘女夷忽噫氣氣鼓聲爭喧芳菲恐離別去去
如飛烟托體非不高結根非不堅無端致蹂躪飲
恨東風前

神仙古載籍靈境或有方蓬萊限弱水焉見鸞鶴
翔世人敵貪愛大願流燕唐樓居具瞽說摭拾味
真良築臺高九仞黃金八寶裝人力事鬼三願得

壽命長但聞振鐸相送歸北邙
王恢馬邑謀身死功不成凶器有如火聖人先戒
兵西南殺氣纏聲鼓日夜鳴我軍屯險要賊壘恃
馮陵王師恥交綏半輸得半贏三年事戎行白骨
漸縱橫遊魂思故里月夜多哭聲肉食不忍聞俯
首起深情

御者羞與比大匠能運斤古來奏薄技運用會有
神天桃愛春艷游龍媚秋新含姿逞麗色照耀路
行人紛紛落懷衷無公富與貧琴瑟未張絃音聲

不可聞松栢未盈抱樵蕪斷為薪要^道味鈎索苟合
何足論

猛虎去爪牙何以全其身神龍飛上天藉彼黃金
鱗貴為賤所養徒豈効辛勤措施苟^此竅進退多
逡巡溝中固有器席上寧多珍明達燭幽遠天心
常在入

盈虛有時易起滅隨風飄神物終能化藏匿徒堅
牢幽居觀變態悠悠念羣豪鮮紅濟茅蒐烈火置
明膏夸毘誰家子富有心未消垂棘為香餌綠珠

成禍苗止足不知戒黃金利如刀

彈歌

哺爵者少彈爵者多爵當奈何仁於張羅

錦州之行首至潞河尋廬青山人不遇却寄
駐馬尋高士春深已入山朝隨清梵起夕踏野雲
還顧影身如寄觀瀾意自閒可知真莫逆來款子
輿闕

行經邦均將訪張令議紆道不果

老大張公子刑轉舊法家拂衣辭省署避地即天

涯我馬來踪疾高居覓路賒
遙瞻雲盡處秋水盪蕙葭

玉田

鮎魚池畔艸波日澹巴孤欲覓殊方味
驚看一葉無寺僧谷詢問官府競傳呼
不若絕遺種空天何所圖

豐潤雨行

疎雨滴泠泠行囊漸不禁迴風一葉落
驚喚故鄉心馬首餘殘夢鞭絲斷苦吟
迷蒙舒望眼官柳壓

秋陰

出山海關

左右連山海雄關第一重艸肥堪牧馬
人傑喜從龍王氣東來滿泥丸北極封
百年思往烈行處問遺蹤

經前所後所中衛皆前人建功處

往昔安天下豐功此地多絕無諸父老
誰說舊干戈前代能垂拱中原豈禍羅
土芻並魚爛興起大風歌

廢城

戰地無高壘，原有廢城女牆野。鼠鬪敗砌旅，
橫歌哭滿前。軍安禁，應後生得知功業苦。莫視羽
毛輕。

自連山塢山杏山松山至平山

行子關東道，秋風短後衣。揚鞭驚鳥落，勒馬看雲
飛。大業由茲定，寰區一戰誅。太平今日事，故跡已
全非。

寓平山野寺

一片橫霄月光寒，碧落空行裝。投野寺山鬼喚，淒
風去國寧辭苦。依人豈不窮，邊關愁靜夜。秋老亂
聲中。

至大凌河牧馬場

官馬成羣牧，奔馳萬壑雷。艸搖天色變，河滿浪花
堆。不受鹽車困，寧知鼙鼓催。生芻同一飽，無復辨
龍媒。

寄書

雞棲絕擬闔，雙扉老去偏。多宿願，違千里。征途終

自強匡床高卧未全非
月臨邊地光陰苦秋入關
山草木腓正爾思鄉逢驛使
數行書寄當人歸

奉陪李少司農閱馬

料色連天迥平原望不分
曉騰兩萬騎牝牡自為羣
露冷嘶殘月風翻落陣雲
驚駘雜腰褭誰報李將軍

客夜

白髮愁征馬東來強作遊
夢萬千里隔客况一燈留
海氣常拖雨山風屢報秋
沉沉寒露滴心折大

刀頭

牧馬行

大凌河邊艸盛禁亘綿百里
如掌平上天下天純黛色
官裏裁為牧馬坳一萬九
千七百匹為羣逐隊爭縱
橫縮身冷透三秋雨仰首
嘶殘數點星揚鞭執轡一
厓沒白髮蒼顏身尚輕自
言髻鬢能馳馬即今七十
以充丁庸茂蘊隆居此地
待馬生駒看馬斃周流十
萬已經過朝夕辛勤無二
致我眼雖非伯樂同多年
頗自別雌雄但見生鬲斬
果腹

未聞四足生長風古來異物多湮沒
騏驎華留豈在公

杏山中秋

返照無餘景拈須待月華坐看一鏡滿
不教片雲遮令節常為客衰年更憶家
此時小兒女應剖綠沉瓜

清苑雜詩

為客何由喜青燈空自花去鄉之百里如限一天
涯顧影成知己孤蹤早忘家老憑溝壑委無復計

年華

十月凝陰氣寒威逼遠天歲時風處過身世浪中
懸濁酒凡三酌微紅上兩顴舉頭怨明月何必對
愁圓

人盡斯時息吾猶守一檠賢愚歸夢勾天地罷
盡盈月射踈窗隙風多落木聲衰年筋骨冷只怪
敵衾輕

通夜不成寐青方日欲紅一經平旦氣百慮此時
空髮短心猶壯家貧道不窮古來全盛地難盡百

耳中

邊徼苗蠻逆西南戰伐多五千三百騎燕豫晉秦
過上相尊甘誓中原聽凱歌妖氛期一掃不待魯
陽戈

萬里天全信經時竟不聞早春得報扎林弟尚從
軍塞鴈空留影巴山但有雲干戈羞白髮誰念老
斯文

兩妾調新膳孺兒具綠尊高杯看去馬執手出道
門寒燠誰相恤叮寧不厭繁即今衫與袖各有舊

嘍痕

清苑開形勢金城近上都山河已拒馬鎖鑰控飛
狐白霧連天漲黃雲出塞孤書生臨此地去注兩
迷途

對月有懷

滿目收清影蕭居思殺人琴臺朝罷曲蒿里夜生
春條脫留餘響衣裳積素塵幽菟如玉魄應伴暮
年身

遠水流深碧高峰疊翠屏天涯一片月物我莫逃

形孤影傷鴻雁荒原泣脊令往時荆樹好今已半凋零

昔有濠梁釣湖邊待月光沿泗蘭桂楫出入水雲鄉暗惹芙蓉艷輕沾翠帶涼停舟分袂後一夢十年長

三十年前事悠然此夜心蛾眉揚素月咲輔苾微吟金蚨瑣英點蘭膏玉影沉平生多悵恨於此最為深

相物多猜心行

大鯨不可登崩劣焦明亦能鼓兩翼物自有情人有心未紫誰為真心色幅利之戒古叮嚀粥良雜苦空文飾餘羸托之莫相疑君不見天地有施無所得

荀合中恥行

洛陽繁勝地春榮豔春晝色相不相侔天三為離鏤郭門輕薄兒垂鞭當花走心意為之移攀折置懷袖輕烟馬上籠芳氣風邊奏歸來色漸渝安能待佳候美人具曉妝人新物已舊棄擲委泥沙良

遇嗟邂逅

寓清苑作

風威故動疎燈影月魄遙穿破屋痕白髮如斯猶
覓食孤踪於此復何言投人顏色中懷沮獨守清
貧位置尊欲向大庭誇鼓瑟却教薄技老齊門

贈王持三

翩翩雲際雁悠悠向我鳴相彼孤飛翼猶治求友
教束髮事游走十經萬里程去鄉令人賤白首竟
無成距燕寸食力狼狽不單行偏側清苑道歲暮

得王生

王生性踈豪生長吳門市太湖千頃光美人如秋
水延陵崇古歡挾風自彼始早歲挾書囊高門曳
朱履男兒意氣橫苟合良獨恥拔劍捐紛紛拂衣
向雲里

里閉不可居牖下常苦艱瑾瑜在懷抱魏闕舉能
官行李走大梁辛勤河之干禹功自豫著龍門信
安瀾臨導一以成遂得生民歡平生所雋侶相謂
彈其冠

冠履坐鳴琴爰具單父心戴星偶出入勞逸感人
深鵬飛自有所河源不易尋鄙陋青玉案撥棄雙
南金往事或韻語談笑抽華簪燕燕來息誰聞
鸞鳳音

鸞鳳有鍛羽五章邈難覩窮栖恥鷓鴣能言咲鸚
武策馬望軒轅維舟待河鼓弧矢掛編蓬丈夫必
自苦邂逅已目成安俟班荆語蕭朱世所譏斯道
期終古

勾漏

勾漏仙人境幸江上下灘鋒稜愁石角雞犬望雲
端古洞長河隔迷津問路難丹砂無可覓空躡步
虛壇

曲折

曲折吳興道委蛇過客心繫舟芳艸水步殿古藤
陰稚子牽湘筠佳人理素琴迢遞今夕憶風雪萬
山深

澗步

澗步吳山頂天空氣宇新錢唐若襟帶一望滌囂

塵笛奏江南弄杯翻花露春前遊真隔世惆悵白
頭人

托寄

托寄周王騎曾經漢代關逆風吹灞水匹馬上驪
山松栢牽衣碧芙蓉照臉殷客中思勝事聊為破
愁顏

錦纜

錦纜當年解揚帆下楚邦金鏡初引隊飛旂各戍
雙燕雀潛深窟蛟龍浴大江十年憔悴甚夜雪灑

寒窗

葦蕩

葦蕩三山路陰森瘴海雲白波衣帶卷青嶂馬頭
分野鬼空多祀余民自有羣蠻歌天外起猶恐夜
深聞

陳石閭詩卷二十九

贈戴通乾



白玉不事雕美珠不假文天地授良賢安用華其
身陰陽為門戶否泰為轉輪運用在秋毫大道貴
得神滔滔看逝水落落湮灰塵蘊真匪外鑠但恐
常人聞

人既不我知為肯慮受憐十月凌漸結無衣先抱
寒南走拒馬河東臨山海關落日照遠水洪波無
定瀾飢鷹強六翮背天空盤旋歸來何所得白髮

間顏顏晚值戴安道興言行路難

雷陳古所崇張陳世常恥窮達守一善於以見君
子與君雖新歡本為同鄉里皓首始相知相知幸
未死和璞匿璘霽光芒畏人拍三獻甘殞身有司
乃如此

妙技不示人秘密懷其寶皇天實愛才坐使編庭
燎爰携宓子琴遠治祝阿道白日照高城流光驚
四表龍蛻棄金鱗鳳栖遠凡鳥一語不相能甘心
辨枯槁

折玉逆音響哀琴無正音大器不受制賤三空覓
尋回首望河梁天祗日已沉蕭蕭戒行李却背雙
南金故鄉阻關山道遠力難任青鳥銜羽翮窮棲
枳棘林王母秘靈駕誰能識苦心

我嘗走天下夫業曠生平目矚千萬人難測幽隱
情孰知金石契而乃同一城彼亦無所立此亦無
所成執手定交誼鬢髮凌星星前路既如漆況已
西日傾各守貧賤軀勿使兒女輕潁陽有流水與
子濯長纓

查承齋棄產無遺托足不可寧耶為成室義也既遷矣同人為詩以贈

聲聞其羽乃是鳳皇飛且翔繞泥梁目眦張狗頭
鼈足托體夜歲簪短帶長主人壽康貽爾芝房歛
翼再拜曰賓于王

歸自清苑成詩十章

策馬臨圭華方當長至時微陽生津早孤客怨歸
遲粗糲供諫婦鶉衣愧弱兒榮公老帶索天道每
如斯

經年常作客故里轉蕭騷入室看兒女殘生誤汝
曹晏安真若毒天地不辭勞白首彈長鈇飄零隨
所遭

死幸遺編在生甘萬務紛還家翻畏客乞食辱斯
文幾垢窮途土衣留古塞雲同人相警戒無復事
離羣

干謁非吾道幽居慣食貧生平多兀傲天故予艱
辛酒得愁中味詩求意外神長吟乘耳熱風雪下
欺人

河面空搔首窮憲但讀書二毛難自遣萬卷破河
如挾策投梁苑同流咲曳裾穆生辭醴後終不食
人餘

漠漠天時暝遙遙霰雪來行空白玉屑迷却楚王
高猿狖啼寒樹熊羆抱死灰子蘭為令尹舉國漸
生哀

西南傳檄到諸將仰天威錦水籌深策金川已合
圍游兔釜底匿封豕阱中肥莫使終懷毒夷情多
是非

西北當年沒勞師數十年使臣罷奮命大將或身
全廟算遺世徵神威賴上天羈縻今日事勿令鬻
生邊

九月樊興道依人作浪遊簿書消短日風雨度深
秋恥獻三都賦誰登百尺樓去來俱失意慚愧一
淹留

去矣悲行李踈來守固窮廿年妻子恨總在別離
中霜鬢尤添白風燈不受紅萬方聲斷絕歌枕獨
書空

牧羝行

狡兔不被鱗蝮蛇不生足乳漣溪羝羊杖策空勞
牧大窖甫脫離北海載凌辱白州繫歸心胡風割
漢肉天不與周旋孤臣誠可憐中心抱死鐵歲久
質彌堅朝看朔塵起暮數邊月圓孰知垂死日始
是生還年

愛妾換馬行

世情或反覆重畜不重人嬌嬈雖有姿驕驥亦有
神朱顏歛房闥未足起風塵一朝生漏愛遂棄平
生親去者掩面唬素手牽人衣專房冒處寵況在
盛年時流水本無意導之使東馳羅幃為誰設膏
沐為誰施去去句相疑女生東渡西不見漢天子
黷武事遠夷曾誇百萬師祇易龍之媒

答李眉山

詩客持三韭幽梅強一身相逢惟嘆老交久不羞
貧日月磨寒骨風霜慰故人白頭期會而能得幾
回新

膏亭臨蝸舍兼因訪戴來一時高興盡不遇即空

四凍州亭陳迹清冰抱冷灰去車轆轤餘響落
塵埃

夷齊廟

孤竹生偏愛因忘禮法閑兩兒辭北地一死飢西
山異世丹青手能開父子顏清魂如有在招取故
鄉還

喜聞官軍進攻大金川口號

有苗生性逆猖獗自虞庭瘴水流深毒彫樓插翠
屏羈縻原在我犬馬不加刑借問操戈者何人勒

石銘

肆震天威迤跳梁地勢憑相持多內潰無復問先
登故相綢繆左援師絡繹激渝生臨賊壘一戰有
何稱

猛士思虜虎長歌起大風剖符歸實憲勵武自遼
東鷲鳥千峰落飛語五技窮君臣修者後日望秦
霄功

巴蜀連年役生民不鮮愁蠻夷新癘疢秦楚寤咽
喉莫以金川滅能消漢國憂防虞兼內外全賴後

來謀

金川屢捷苗衆請誠托今追昔率爾成篇
蠻夷自古多獨夏上策疇能具席前聞道山川皆
險阨坐愁兵甲屢遷延設謀馬邑空詔虜構讐中
丞更拓邊養虎或將生物引但令殺性日糾纏
主恩三世一朝同賜號承恩列上公半壁區輿分
虎節沿邊彈壓濟元戎金川坐待軍容老魏闕志
傳戰勝功智困才窮對司教龍顏空望五雲中
揚旗吹角出秦關萬里春風艸色開過客長歌瀉

出牧官人罄折仰崇班輿師壓境抽戈卧受脰南
征望詔還縱使九重能貸死經臣寧莫汗生顏
制軍先世早從龍奕葉兒孫復効庸塞上強胡伏
罽幕黔中雜虜避銛鋒移官巴蜀差籌策掣肘疑
丞戎拓衝對簿離宮辭理拙歐刀甘使貫心胸
行年三十早登壇斷馬褰旗敢告難撲面風塵秦
塞苦載途冰雪蜀山寒至尊妙算回天地大將雄
鳴振羽翰一舞干戈有苗格西南從此罄交歡

楊花曲

春風吹楊花去去何所之我身非我由蕩漾安能
辭竹芭松已茂願託連理枝剛柔各有種駕言生
欺詒昨夕同衾稠今旦成別離別離豈人意勢迫
難自持上觀心與房下視金與泥貴者日益崇賤
者日益卑貴賤何殊別天道邈難知

春水辭

引弓戒持滿春水懼盈溝烏弮會反張溝洫東西
流仙人營窟宅五城十二樓駕鶴凌紫烟駭鸞激
十洲玉女善投壺明器豈暗投天帝頤之咲電目
時一留霏霏瓊瑤花散漫天宇周得卷不得實萬
古生殷憂左右相顧眙誰能為我濤大盈不可居
但看春與秋

題李東洲靜籟圖照

七月八月天漸涼幽人際此聊徜徉蟋蟀罷吟寒
蟬藏百靈萬有渾相忘朗月忽落在我傍艸根石
罅生暗光橫斜却對心中影靜籟若聞天外香老
樹青桐自糾縵似看秋風為凌亂長聲短聲空處
聽飛花落葉無人見省郎圖照二十年形兒如新

鬢髮變蒙額標名在昔交可憐零落同星漢嗚呼
百歲古歡世所無縷縷摩居藉以圖

送別賀德嘉

泮奐遊南紀高名有令聞蜀黔初構壘書劍早從
軍意豁平生度胸箴五色雲相依多絳灌空負洛
中文

尉弟西南信軍中竟得朋形骸依戰壘寒燠共青
橙銅柱終難表樓船喜自矜女蘿攀病栢直作一
枯藤

萬里來京雒憐君義氣先雄心歸州木沔淚帶鞍
韉河幸班荆語真叨憩石緣訂交兼送別執手立
風前

寶刀歌

佟濟蒼與余三世好初其祖姑母有刀得之
尚可禱家刺犀斷馬絕不啣行寶物也曩時
先人行役江南因持以贈且曰老嫗有此無
所用用為吾甥兆王祥故事為兩世佩帶且
五十年濟蒼晚得子狀貌岐嶷貧無以為賀

乃反其故物且附以詩

當年逐鹿兼驅羊小醜么麼各跳梁紫氣東來
聖人出車書混一徵遐荒紛紛藩鎮賜封建粵東
獨數平南王王有寶刀得異域海外雄蠻日本國
生男鍊鐵鑄成刀三尺神光五丁力番奴拔鞘縱
橫持天地倏然為改色一泓秋水帶霜飛萬朵芙
蓉和露滴吹毛斷石不留行虓虎長蛟皆辟易
君尚氏本舊姻故將寶物貽所親清夜遊魂鞘中
泣始知利器感鬼神將門有女少穎慧閨中好武
還能文幕途執此無可用韜光歛影空沈淪把贈
先人事遠沒長虹化作江南春媯氏家歲五十載
酒酣耳熱消傀儡從遊塞北與關西更歷蠻山復
瘴海擊柱旬旬起疾風扣舷感槩歌款乃常橫枕
畔伴羈孤摩挲但覺精神在驍騎將軍曠代奇雄
豪作氣和為議任俠驚飆吹地軸論心白日垂天
池鄧攸每抱平生歎可憐歲晚得佳兒食斗氣宇
充文綵呱呱絕異常人啼誕彌歆月形神足滿堂
賓客爭青目或予衣裳或贈金永日高筵繼華燭

老夫耳聾頭亦禿續貂附驥聊相祝藜杖扶持足
不前竭蹶當軒陳款曲先世有刀誠可珍多年佩
帶走風塵君家故物歸石麟呂虔王祥前後身對
敬他日為虎臣

遣興

大風起青蘋散食覺漸冷飛雪悄無聲積深没人
脛東皇久脫膝甫殺猶未屏馥馥嶺上梅有志不
獲逞

絲篴可挈石駑馬亦致遠誰云尺寸材未能効其
短造物不慮生天道夷且簡促柱急朱絃遂使中
道斲

盈盈遠水流去去波濤駛人生苦境多安能發皓
齒思婦臨高樓開窗望遊子同衾不相能同穴甘
從死

陽暉漸加長貧子念調飢春風綠野艸生意亦有
時故人折跡麻離居不肯遺蝨蝨力已殫苦心難
自持

虹霓不可衣楚萍不易食天路浩茫茫奮飛思羽

翼崇高寓顛危但為愚者惜浮雲入海流安辨光
與色

高樓掛滿月千里照君心再夕光影虧君心亦消
沈積久自生隙單絲難重任持贈雙鳳釵含悽頭
上簪

披我故袷衣步出西門道觸目多高墻東風變枯
艸在世想延年疇能愛其寶寤寐返黃泉狐鼠與
偕老

執酒不肯飲念我平生親恩愛不移易十年如一
晨相思若春水流入大江濱乘波下東海欲識竟
無因

長江浩淼孤帆天際飛洪波堪縱浪不辨安與
危朝發瀟湘浦暮宿洞庭湄洞庭木葉下蘆蕙相
從萎

讒口三蔽善惡陰能剝陽天地具大美視之如平
常崇山九千仞登高望八荒託足未堅固撿民自
相戕

佳人眷深懷歛衣罷織素機杼已無聲空天滴微

露銀河不駕梁
眇眇邈難度
翠袖蕩清風
持情倚高樹

高高太恣月
蟾蜍蝕其光
玉臺失顏色
紫閣生陰涼
清夜收視聽
聲形兩相忘
掩戶滅殘燭
路遠歸夢長

陳石閭詩卷三十

賣珠行寄李鐵君



時趨多變更
古道亦反覆
真鴈相紛拏
傾囊購魚目
夜光畏人指
高明但雌伏
藏器待佳候
潛身遠凌辱
精靈愛子兔
氣湧豐城獄
磷霧和氏珍
哀同鮑莊足
性命匪不希
寸心難自蓄
君有明月珠
合浦千年育
旋轉玉盤中
光流如電速
一朝倚市門
貴賤恣所欲
駟澮或睚眦
朱門告局沒
此物固為重
落落將誰屬
千金買一咲
咲盡還成哭
其始末

真知其後安能續真人不自媒
馨浴空微逐願韜
照乘材永與驪龍宿

看月

一片峨眉月光從萬里生
美人不可見孤魄為誰
明庭樹流陰直天風向夜清
西南頻悵望異地各

含情

流光直到地顧影念同心
一別合歡樹空留滿地
陰羅衣生暗清寶瑟清音
雙照臨危幌杳冥河
處尋

曉起聽鳥聲作

融風啟幃幕初日有餘暖
耽眠常起遲晝長夜已
短天宇應清和鳥聲自然善
輕盈花蕊動團團珠
露泣抱幽獨披襟神凝覺
意遠輪軸不到門居負
人跡罕嚶嚶求友生
嚶嚶相宛轉正瞻太虛雲
傾耳得所遣

送雷翠庭省親南歸

金聲颯然來征馬向人嘶
問君此何行心已東南
馳短日歷廣路黃塵染素衣
長鞭曳官柳縷縷垂

青絲浮雲落我前行色如風吹今茲樂上樂計日
趨庭幃

同人餞于野執酒成古歡離別不須計安知行路
難羈寄亦已久六載未言旋北堂勞夢想秋風游
子顏長松高百尺兔絲自纏綿掌中托日月萬里
相盪桓

銀臺噤舌司復為 帝子師閩中有古學素與漁
洛齊大道合神契長途無二歧虎豹具文彩炳蔚
不自知鈎藤咲魚骨堅剛寧久持執此為親歡勵

節無改期
元也老布衣委身已云誤白首尚依人飢走長安
路瓠瓜繫天邊河廣不可度美人在雲端歲晚得
良晤聞君有遠行四牡爭馳騫相囑勿淹留倚閭
愁日暮

硯銘

石哉而代吾口慎無咎

杖銘

道有險夷動有差池履不以正二三其議其議不

忒惟汝之職

雜興

黃塵斗然生平原
飛健鶻秋風了不惡
送雨雲中沒草勁
根漸枯木強葉欲脫
羽翼有瑤珎狐兔或
起滅愁胡目織微
懦者必先割青鳥
叩遠書無以慰飢渴

悠悠去關河關河淒以風
悲散無雅韻萬里將誰
同秋塵被馬足衰艸曳行蹤
回頭望故國雜沓浮雲蒙
久游衣帶改沈憂結心骨
佳人處遐室舉葉

念朝餐

蟪蛄依閑房
牽絲日纏絲
豈曰張天羅
微軀苟自完
庭宇寂無人
蔓艸隨風乾
織雲隨平地
無緣歸舊山
章華高九仞
落星齊萬端
掃除及螻螻
抱卵徒吞酸

畜火在深井
置荷樹山巔
匪道強相依
所求良苦難
五載不製衣
三日不炊烟
東隣椎肥牛
盥飡罄一餐
西隣織文繡
下機千萬端
千人受遠近
古處增譏寒

瓊弁與玉纓被服天下奇慳吝弗致神安得孟諸
塵多情生眷愛人鬼同一遠淒風下山蠶黃葉爭
分飛分飛任南翔物賤人不吝懷璧久彌篤瓊瑰
將盈懷

后羿挽烏號注目視天狼軸軸復翕翕墜落山之
岡高天不再登遺軀蔓州鄉漸為螻蟻祭肥腩空
先嘗蟋蟀感秋吟伏翼解夜箴天地弗與爭善惡
兩相忘

泥露下空庭遠砌鳴沒織披衣坐蒼楹念我遠行
客山河不可移動以千里隔遊子或解顏居人心
正感驚颯匝地生百卉坐蕭索蘭蕙委空山零落
無人識

高樓亘日星中有蕩子婦宵珠泣夜光丹胎繁朝
牖臨風整玉佩循環空在手我為葛蘿然君為長
隄柳將絲繫柳條牽纏日已久從來膠漆交終必
成卮酒

為歡苦未足末路悲年沒安得魯陽戈一揮倚日
浴白茅縮醴酒錦茵藉良玉明神不以徵鬼伯頽

膺吸陰陽亂人懷天心非故速乘露曦瑤華順逆
從所欲

丹霞含萬變作態陽之阿娥光布陰彩沐浴樂風
波晨朝游大麓暮夜超長河水窟奏金瓊聲音慘
不和山鬼送馬首披髮行且歌遠道荆榛多跡阻
將如何

眈眈虎張目視彼獸與人叢中蔽崇嶂屏息潛其
身礪石磨爪牙儀鬼効殷勤搏擊奮猛擊動則如
有神滅否勿復計肥甘首遇屯防虞宜良術謝爾

封使君

海客下瀛洲雲衣隨風飄攬帶前致辭贈我較人
綃機上走朱鬘機下隱潛蛟十日斷一疋力盡不
辭勞北風裂犀甲手拍如折膠匪以禦初寒聊用
結心交

裁浴喜文身冠裳無所施代馬歷關塞舟船非其
宜牽衣登五嶽身與高峰齊縱橫望八極岐路自
多迷氛垢自遂古河處容卑棲師曠入壺浴但為
池人嗤

舉目但淒其空天蕩金氣驚風四面來落花不到
地清晨走御溝日夕凌丹丘我身一似金石追逐東
西流流連漸忘反日與根株遠冷葉抱枯條望望
腸將斷

晨起搔白頭緩步入空林折花未盈把重露已沾
襟仰視雲中雁復聽枝上禽長鳴向天宇雌雄各
成音人生多舛荏苒忽至今願假高飛翼啣花
傳遠心

峩峩鳳樓新皎皎綺窗明揚芬散烟彩鼓氣緣雲
蒸坐中雙美好鄭袖與安陵結念携手歡遂成嗔
臂盟但恐嚴霜落秋花不再榮願廣流光惠照我
盛年情

烈火已張天長跪方請雨洛水已橫空伐舟藪中
矩古來英雄士防危端素履入水不刺蛟登山不
暴虎威力四方施或恐干興怒羊肆死良霄窟室
化為土

馬鳴桑乾水雁度金臺秋叢草日萋脫生島河處
求寒夜夜初長客子增離憂繁絃奏急響聲與孤

雲流絕巴逞妙技有義誰能侮擔囊覓遺音河廣
斷行舟

東山氣蔥蔚上有仙人居碩果大如斗啖食充空
焉烟火久已息玉貌何敷愉手托青荷葉用藉紅
珊瑚艷色畏人指寶物相時沽贈君勿韜藏歲久
顏色渝

八月露華濃九月艸木黃美人愁靜夜俯首默縫
裳寒心寄刀尺斷續教悲涼含情怨隣曲展轉惜
餘光天風下秋條花落不聞香黃姑與織女竟夕

遥相望

題河西嵐照

元與西嵐知將贈言成而未獻也以照來加
諸上為選事以待其及焉

鵝鵝自南來五色為羽儀即之不可狎望之有餘
輝含貞向廣宇展轉摩天飛桐實尚不慕沐留將
嚇誰造物鍾至美好惡寧乖違久思歛時晦文彩
縱橫馳嘖嘖感眾口所貴見者稀

飛鳥有出羣生民有軼倫灼灼游龍花而非人所

欣北里夸毘子被服章甫新逞心游橫淅駿馬超
風塵渴滂較人泣回頭喪厥真波為鏡中色此為
天上雲乘雲向渤澥崑崙生春遠道擇所歡幸
與浮丘親

神仙抱大道難同衆伍列早歲已奮騰躡身赴金
闕左手執寶幢右臂蟠雌霓陰陽互吐吞流光自
明滅浮華易為容叩杯鄙丹訣於世遺真形天空
秋氣潔抱膝放虛懷胷中輪日月松菊本無心永
為靜者悅

己巳霜降越六日天驟陰風起積三日墜冰
在孟縵也未具骨標生寒村解長吟成詩四

首

天末天風起同雲萬里陰疾聲撼虎鬪悲咽孽龍
吟落魄堪如此艱難延至今浩歌聊自遣拊髀亦
何心

青女初傳信墜冰已結孟天時原未改人事偶然
殊背日飛黃葉因風逐去鳥故巢何處是珍重辱
泥塗

陰寒浸老骨三日念無衣野艸連霜白山雲帶土
飛曳裾終自恥投刺患多非饘粥供兒女清貧不
敢違

白首無人契青氈故物存窮通推任爾哀樂總銷
魂元禮當時重黔婁百代尊自安蓬華下守死謝
龍阿

題史曉

黃河遇風圖

黃河之水如散金排沙蔽日常陰森江妃水仙蹟
不到驚濤巨浪時相尋轉運餼糧供天庾萬艘乘
流飛鏃羽潛龍崛起老蛟怒女夷助惡爭跋扈灑
州別駕虬冉公長劍一揮迴狂風

富李廉衣

落拓江湖客拘南錦繡城世無真具眼天厭老書
生歲月樊籠度風花疊浪傾下風得介紹澆倖識
韓荆

相逢才一面嘉慶反吾丘甲子輪迴紀雲霄汗漫
遊顏丁今閉室仙侶待同舟悵望金門客周南久
滯留

首唱凡三疊珍書復數行白雲飛片羽黃葉下斜
陽故里相知少懷人去夢長孤踪兼逆境梗際報
來章

送別李眉山南遊

浮雲游太虛展轉因風飄流萍入渤海去就乘波
濤物情難自主所歷隨所適生男既落地皎皎天
宇昭阿前懸威弧枕邊橫寶刀天地不停晷丈夫
安辭勞東馳滄海郡西走過臨洮要褻佩錦韉手
挽青絲絲塵沙動地起眩後鳴驚颯橫絕逞時命

歸來氣自驕

驕矜向凡列方子少年時及今雙鬢白壯志行灰
墮卜居潞河畔游衍東山陔故交半凋喪新交跡
多違落日照流水浩歌聲正悲扁舟向南下歲暮
將從誰人生無定向大率緣妻兒蛟龍化寶劍笑
蓉出清池精芒耀星日光盡色不虧拂衣強系榆
揮手從茲辭

辭鄉陟遠道餞我筇西行星霜方一紀送君萬里程
鹿豕好羣聚鴻雁喜和鳴檢民耽齷齪牖下常渝

生天設江湖險特與志士爭賢達解其會栖栖不
遑寧兒觥置醴酒駿馬垂朱纓長嘶對行列離別
無正教勸君滿斟酌悵悵復屏營努力保霜霰來
朝故人情

題楊子安照

闌暑不沾氣秋風吹素襟偶來磐石憩坐受青桐
陰靜者得真趣幽人無外心課兒咕嗶罷抱膝欲
長吟

黃鵠歌

黃鵠啄鯁鯉洝洳大江清旦暮蘄果腹亦自齊常
倫黃鵠有翅如車輪鼓氣高騫能舉身凌虛倒景
橫廣宇一落欲墜垂天雲蜉蝣自命同糠粃微茫
下視差可喜謁履相依毳羽間頃刻因之去千里
附托難久存提携者驕人波志在四海我命期朝
昏排風馭日不可止南翔東鹵恣所使三山未至
中途死

悲哉行

繁憂不自理擊枥且悲歌歌竟更長嘆磨波機上

羅縵絲出篋管經緯互紛靡十日下五疋辛苦問
長梭染紅復染綠素質已泚池艷麗及長會莫使
顏色訛裁衣求適體風雨勿經過珍重念原本短
水少迴波區區釜中蟲吐絲本無多屏營思故處
多謝繭與蛾

太湖行

太湖巨浸連天迴橫斜三萬六千頃朱顏少婦黃
頭郎雪浪銀濤調航艫翠帶長拖紅袖翻逆水濺
衣衣不寒迴颿逆折蓮花筏盤渦擊嶽青琅玕使
君東來乘五馬金羈玉勒多瀟灑飄飄青翰指揮
中羨爾真為能事者使君素未解拏舟美食鮮衣
距上游請看予今行部處江南江北野風秋

薄厚行

金鐙籠絳紗暗處藏光華騏驥負蒲柳不分薄與
厚張翰漫游思故鄉靈均放逐走江湘江湘水深
路修長鳧招不來愁巫陽胡繩荷蓋清且香高駕
雲霓望八荒迢遞天閭不可見狂飈吹裂芙蓉裳
彭咸大咲相携引志士止軀名不泯手攀龍用倒

騎蛟中流擊汰歌聲緊安如萬羨疆繪乘秋展扁
舟散髮江之東

碌碌歌

皎皎太古月光與陽鳥爭螢火逞末技安能測其
明左飛亦碌碌右飛亦碌碌殘更催曙天相依秋
艸宿昨夜涼風生溽溽露將凝序時容易改弱質
難為情霜霰日以滿蕭然天地變哉客走幽燕凍
死長河邊

Large, faint watermark characters, possibly '書' (Shu) and '圖' (Tu), overlaid on the page.

Small square seal impression in seal script, likely a library or collector's mark.

Small square seal impression in seal script, likely a library or collector's mark.

